



Llywodraeth Cymru  
Welsh Government

# Canllawiau ar Gamau Gweithredu ar gyfer Rheoli'r Rhwydwaith Ardaloedd Morol Gwarchoddedig

2018-2023



Fotograff: Golygfa o Borthdinllaen, Pen Llŷn

## **Prif Negeseuon**

### **Adran A: Cyflwyniad**

**Adran B: Y Cynllun Gweithredu ar gyfer Rheoli'r Rhwydwaith Ardaloedd Morol Gwarchoddedig – Cymhwysedd**

**Adran C: Gwneud cais i gam gweithredu gael ei gynnwys yn y Cynllun Gweithredu ar gyfer Rheoli'r Rhwydwaith Ardaloedd Morol Gwarchoddedig – Y Broses Ymgeisio**

### **Atodiad 1**

### **Atodiad 2**

# CYNNWYS

## Prif Negeseuon

- Mae'r Canllawiau ar Gamau Gweithredu ar gyfer Rheoli'r Rhwydwaith Ardaloedd Morol Gwarchoddedig yn agored i geisiadau gan yr holl Awdurdodau Rheoli yng Nghymru, ynghyd â sefydliadau â diddordeb a sefydliadau trydydd sector sy'n bodloni'r meini prawf cymhwysedd a amlinellir yn y ddogfen hon.
- Mae'r ddogfen hon yn darparu canllawiau ar geisiadau ar gyfer camau gweithredu nad oes angen cyllid arnynt gan y Cynllun Grant ar gyfer Rheoli'r Rhwydwaith Ardaloedd Morol Gwarchoddedig.
- Gwahoddir ceisiadau yn ystod cyfnod 'galwad am gamau gweithredu' a fydd yn cael ei gynnal unwaith y flwyddyn. Y Grŵp Llywio ar Reoli'r Rhwydwaith Ardaloedd Morol Gwarchoddedig a fydd yn pennu'r amserlen.
- Bydd ceisiadau llwyddiannus yn cael eu cynnwys fel 'cam gweithredu' yn y Cynllun Gweithredu blynyddol ar gyfer Rheoli'r Rhwydwaith Ardaloedd Morol Gwarchoddedig, a disgwylir iddynt ddarparu diweddariad ar gyfer yr Adroddiad Blynyddol dilynol.
- Mae'r ffurflen gais wedi cael ei datblygu gan y Grŵp Llywio ar Reoli'r Rhwydwaith Ardaloedd Morol Gwarchoddedig, ac mae'n cyd-fynd â'r meini prawf a amlinellir yn Fframwaith Rheoli'r Rhwydwaith Ardaloedd Morol Gwarchoddedig 2018–2023.
- Cynhelir gweithdy blynyddol i ddarparu arweiniad a chymorth i ymgeiswyr sydd â diddordeb.
- Mae Atodiad A ar ddiwedd y canllawiau hyn yn rhoi'r canllawiau sgorio unigol ar gyfer pob maen prawf.
- Mae dolen i'r Adroddiad Blynyddol ar Reoli'r Rhwydwaith Ardaloedd Morol Gwarchoddedig yn Atodiad B ar ddiwedd y canllawiau hyn, ynghyd ag astudiaethau achos o brosiectau blaenorol, i gynnig cymorth i ymgeiswyr sydd â diddordeb.



## Adran A: Cyflwyniad

Mae'r canllawiau hyn yn esbonio'r broses ar gyfer gwneud cais i gam gweithredu gael ei gynnwys yn y Cynllun Gweithredu ar gyfer Rheoli'r Rhwydwaith Ardaloedd Morol Gwarchoddedig, **nad oes** angen unrhyw gyllid arno gan y Cynllun Grant ar gyfer Rheoli'r Rhwydwaith Ardaloedd Morol Gwarchoddedig.

Mae'r Cynllun Gweithredu blynyddol ar gyfer Rheoli'r Rhwydwaith Ardaloedd Morol Gwarchoddedig yn agored i geisiadau gan yr holl Awdurdodau Rheoli yng Nghymru, ynghyd â sefydliadau â diddordeb a sefydliadau trydydd sector.

Ar gyfer prosiectau nad ydynt yn derbyn cyllid gellir cynnwys prosiectau sy'n para am nifer o flynyddoedd yn y Cynllun Gweithredu.

### Enghreifftiau o brosiectau posibl

Mae atodiad ynghlwm wrth y nodyn cyfarwyddyd hwn sy'n amlinellu prosiectau blaenorol y mae eu crynodebau wedi'u cwblhau yn yr Adroddiad Blynyddol ar Reoli'r Rhwydwaith Ardaloedd Morol Gwarchoddedig. Mae astudiaethau achos hefyd wedi cael eu datblygu ar gyfer prosiectau y nodwyd eu bod yn dangos yr arferion gorau.

Mae angen i geisiadau ddangos sut y byddent yn gwella'r ffordd mae'r Rhwydwaith Ardaloedd Morol Gwarchoddedig yng Nghymru yn cael ei reoli'n yn ei gyfanrwydd – fodd bynnag, ystyrir prosiectau peilot sydd â'r potensial i gynyddu i lefel rhwydwaith.

Dylid hefyd ystyried sut y gallai ceisiadau wella cyflwr Ardaloedd Morol Gwarchoddedig drwy eu rheoli'n well, ac yn ei dro helpu i ennill Statws Amgylcheddol Da.

### Cyllid Grant

Mae'r ddogfen ganllaw hon ar gyfer ceisiadau (camau gweithredu) nad oes angen unrhyw gyllid grant arnynt. Anogir pob ymgeisydd i chwilio am gyllid gan bob ffynhonnell arall yn y lle cyntaf. Ar gyfer cynigion y mae angen cyllid grant arnynt, dylai ymgeiswyr ddarllen y Canllawiau ar y Cynllun Grant ar gyfer Rheoli'r Rhwydwaith Ardaloedd Morol Gwarchoddedig.

## Adran B: Y Cynllun Gweithredu ar gyfer Rheoli'r Rhwydwaith Ardaloedd Morol Gwarchoddedig – Cymhwysedd

### I fod yn gymwys rhaid bodloni'r meini prawf canlynol

Rydych yn Awdurdod Rheoli yng Nghymru (fel corff cynghori neu awdurdod lleol), sefydliad trydydd sector neu sefydliad arall sydd â diddordeb. Nid yw'r broses ar gyfer gwneud cais i gam gweithredu gael ei gynnwys yn y Cynllun Gweithredu ar gyfer Rheoli'r Rhwydwaith Ardaloedd Morol Gwarchoddedig yn defnyddio plattform ar-lein i reoli'r broses grant, felly nid oes angen cofrestru ymlaen llaw ar gyfer unrhyw gais o'r fath.

Mae Llywodraeth Cymru yn annog ceisiadau cydweithredol ar y cyd gan nifer o sefydliadau, a byddwn yn hapus i hwyluso hyn drwy ein gweithdai blynyddol.

### Trwyddedau Morol, caniatâd cynllunio, rheoliadau adeiladu, Caniatadau a Thrwyddedau Amgylcheddol

Os bydd ymgeisydd yn bwriadu gosod neu ddefnyddio eitemau cyfalaf y mae angen, i bob pwrpas, drwydded a/neu gytundeb arnynt, fe'i cynghorir i ymgynghori â'r awdurdod trwyddedu perthnasol, Cyfoeth Naturiol Cymru (CNC), ei Awdurdod Lleol (ALI) neu asiantaeth arall gan ei bod yn bosibl y bydd angen caniatâd i wneud elfennau o'r gwaith.

Rhaid i ymgeiswyr gael y caniatâd cynllunio sydd ei angen a chydymffurfio ag unrhyw ofynion statudol perthnasol eraill. Rhaid i ymgeiswyr sicrhau nad yw eu cynigion yn torri unrhyw is-ddeddfau, yn rhwystro hawliau tramwy, yn effeithio ar bibau nwy neu olew ac ati, a rhaid iddynt osgoi peri unrhyw lygredd neu ddiffrod i'r amgylchedd.

Bydd ymgeiswyr yn gwbl gyfrifol am unrhyw ganiatadau a nodir uchod sy'n ofynnol er mwyn cyflawni'r cam gweithredu'n llwyddiannus.

## Adran C: Gwneud cais i gam gweithredu gael ei gynnwys yn y Cynllun Gweithredu ar gyfer Rheoli'r Rhwydwaith Ardaloedd Morol Gwarchoddedig – Y Broses Ymgeisio

Bydd y broses ymgeisio'n cynnwys gwahoddiad i gyflwyno cais yn ystod cyfnod penodedig a elwir yn 'alwad am gamau gweithredu', sydd fel arfer yn cael ei chynnal yn Chwarter 4 blwyddyn galendr.

Fel arfer, bydd y cyfnod galw am gamau gweithredu yn para am wyth wythnos, a chynhelir gweithdy rhithwir yn ystod y cyfnod hwn i ddarparu cyngor ac arweiniad ar gyfer ymgeiswyr.

### Gwneud cais

Cyhoeddir yr alwad am gamau gweithredu drwy brif rwydweithiau Llywodraeth Cymru a rhanddeiliaid allanol, a bydd y cais a'r canllawiau'n rhan o'r pecyn.

Os nad ydych wedi derbyn y pecyn ymgeisio cysylltwch â [RheoliRhwydwaithMPA@llyw.cymru](mailto:RheoliRhwydwaithMPA@llyw.cymru)

Mae'r cais yn cynnwys pum amcan y bydd angen i ymgeiswyr eu bodloni er mwyn cael eu hystyried ar gyfer grant posibl. Bydd angen i ymgeiswyr hefyd fodloni o leiaf un egwyddor rheoli.

Ni fydd y ceisiadau hynny sy'n bodloni un egwyddor rheoli yn unig yn cael eu trin yn llai ffafriol na cheisiadau sy'n bodloni nifer o egwyddorion, gan mai dim ond yr egwyddor sy'n ennill y sgôr uchaf a ystyrir.

### Maen prawf 1 – Pa mor debygol yw hi y bydd y cam gweithredu yn gwella cyflwr y rhwydwaith neu'n gwella ein dealltwriaeth o bwysau/bygythiadau neu'r ffordd maent yn cael eu rheoli

Mae'r maen prawf hwn wedi'i rannu'n ddwy ran. Bydd unrhyw gamau gweithredu arfaethedig yn cael eu hasesu yn erbyn un o'r meini prawf hyn yn unig (sef naill ai 1a neu 1b):

- Os bydd eich prosiect yn mynd i'r afael ag un neu fwy o'r pwysau neu'r bygythiadau sy'n effeithio ar i un neu fwy o nodweddion ein

Rhwydwaith Ardaloedd Morol Gwarchoddedig, yna bydd angen ichi asesu eich prosiect yn erbyn maen prawf 1a.

- Os bydd eich prosiect yn dangos yr angen i gael dealltwriaeth well o bwysau neu fygythiad penodol yna caiff y cam gweithredu ei asesu yn erbyn maen prawf 1b. Bydd maen prawf 1b hefyd yn cael ei ddefnyddio os yw'r cam gweithredu arfaethedig yn cynnwys yr angen am ddealltwriaeth well o ddull rheoli penodol, neu am dreialu'r dull hwnnw.

Nid ystyrir ceisiadau sy'n ceisio bodloni'r ddau faen prawf.

Gellir defnyddio'r ddau faen prawf ar gyfer pwysau a bygythiadau, a diffinnir y rhain isod:

- Pwysau: rhywbeth sydd ar hyn o bryd yn cael effaith andwyol ar un neu fwy o nodweddion.
- Bygythiad: rhywbeth sydd ddim yn peri pwysau ar hyn o bryd ond ystyrir ei fod yn debygol o beri pwysau yn y dyfodol agos os na chymerir camau.

### Maen prawf 1a. Pa mor debygol yw hi y bydd y cam gweithredu'n sicrhau gwelliannau i gyflwr y nodwedd neu'n gwella'r ffordd mae'n cael ei chynnal a'i chadw?

Mae'r maen prawf hwn yn gysylltiedig â champau a fydd yn arwain at wella'r ffordd mae'r Rhwydwaith Ardaloedd Morol Gwarchoddedig yn cael ei gynnal a'i gadw, neu at welliannau i'w nodweddion, fel arfer drwy reoli'r pwysau/bygythiadau sy'n effeithio ar y nodwedd. Gellid cysylltu'r cam gweithredu hefyd â rheoli gweithgareddau sy'n cael effaith ar gyflwr nodwedd, neu ag adfer nodwedd.

**Elfennau i'w hystyried:** Byddwch yn glir ynghylch pa bwysau mae'r cam gweithredu posibl yn eu targedu, pa nodweddion mae'r pwysau'n cael effaith arnynt, a sut mae'r pwysau'n cael effaith ar y nodweddion. Eglurwch yn union sut y bydd y cam gweithredu arfaethedig yn lliniaru'r pwysau a dargedir. Os oes modd, eglurwch pwy fydd yn cymryd rhan, a beth byddant yn ei wneud.

Enghreiffiau o gamau a fyddai'n cael eu hystyried o dan 1a:

- Cam gweithredu i ddatblygu strategaeth ar draws rhwydwaith i reoli'r pwysau ar nodwedd e.e. Strategaeth Cadwraeth Dolffiniaid a Llamhidyddion y DU.
- Cam gweithredu i leihau mewnbwn maethynnau sy'n cael effaith ar nodwedd arfordirol, a gynhelir fel prosiect peilot.
- Cam gweithredu i leihau effaith tarfu gan gychod (e.e. cod ymddygiad) ar nodwedd gyfan

### Maen prawf 1b. Pa mor debygol yw hi y bydd y cam gweithredu'n sicrhau ein bod yn deall yn well y pwysau/bygythiadau neu'r ffordd maent yn cael eu rheoli?

Mae'r maen prawf hwn yn gysylltiedig â chamau a fydd yn arwain at wella ein dealltwriaeth o'r pwysau neu'r bygythiadau sy'n effeithio ar y Rhwydwaith Ardaloedd Morol Gwarchodedig, neu'n gwella ein dealltwriaeth o'r mesurau rheoli gwahanol y gellid eu defnyddio i fynd i'r afael â'r pwysau neu'r bygythiadau hyn.

**Elfennau i'w hystyried:** Mae'n bwysig bod yn glir ynghylch pa fwch yn y ddealltwriaeth y mae'r cam gweithredu arfaethedig yn ceisio mynd i'r afael ag ef. Ystyriwch y rheswm dros y bwch a sut y bydd y cam gweithredu arfaethedig yn mynd i'r afael ag ef. Os ydych yn ystyried dull newydd o reoli (naill ai i'w archwilio neu ei dreialu) byddwch yn glir ynghylch yn union beth yw'r mesur rheoli a'r canlyniadau a fydd yn cael eu cyflawni, ac os oes modd lle mae'r dull wedi cael ei ddefnyddio'n llwyddiannus mewn manau eraill.

Enghreiffiau o'r camau gweithredu a fyddai angen eu hystyried o dan 1b:

- Archwiliad i effaith gwasgfa arfordirol ar y Rhwydwaith Ardaloedd Morol Gwarchodedig:
- Ymchwiliad i effaith sbwriel môr ar nodweddion ein Hardaloedd Morol Gwarchodedig.
- Treialu dull newydd ar gyfer rheoli palu am abwyd ar safle (os yw hefyd yn rhywbeth y gellid ei gyflwyno i safleoedd eraill).

### Maen prawf 2. Beth yw cyrhaeddiad gofodol y cam gweithredu?

Mae'r maen prawf hwn yn canolbwyntio ar faint o'r rhwydwaith mae'r cam gweithredu arfaethedig yn ei gynnwys. Bydd y sgoriau yn cael eu pennu ar sail pa mor helaeth yw effeithiau'r cam gweithredu ar y Rhwydwaith Ardaloedd Morol Gwarchodedig. Mae hwn yn gynllun gweithredu ar gyfer y rhwydwaith cyfan, felly, po fwyaf yw ardal y rhwydwaith sy'n cael ei chynnwys, neu po uchaf yw nifer y nodweddion sy'n cael eu cynnwys (neu po fwyaf yw cyfran y nodweddion ar draws y rhwydwaith), po uchaf fydd y sgôr. Gellid rhoi sgôr trothwy o (2) pe gellid ystyried y cam gweithredu yn brosiect arddangos ar raddfa leol y gellid ei gyflwyno neu ei weithredu o fewn ardaloedd eraill y rhwydwaith.

**Elfennau i'w hystyried:** Mae'n bwysig dangos yn glir pa safleoedd a/neu nodweddion a fydd ar eu hennill o ganlyniad i'r cam gweithredu. Os mai prosiect arddangos yw'r cam gweithredu, mae'n bwysig tynnu sylw at safleoedd eraill a fyddai'n elwa yn y tymor hir ac, os oes modd, sut y gellid cyflwyno'r prosiect ar draws y rhwydwaith.

### Maen prawf 3: A yw'r cam gweithredu'n cyd-fynd ag Egwyddorion Rheoli Ardaloedd Morol Gwarchodedig?

Mae'r maen prawf hwn yn canolbwyntio ar i ba raddau mae'r cam gweithredu arfaethedig yn bodloni un neu fwy o bum egwyddor rheoli'r Rhwydwaith Ardaloedd Morol Gwarchodedig. Bydd yn bosibl i'r camau gael eu sgorio yn erbyn unrhyw rai neu bob un o egwyddorion rheoli'r Rhwydwaith Ardaloedd Morol Gwarchodedig ym Mluch 1. Mae'n bosibl na fydd y cam gweithredu arfaethedig yn berthnasol i bob egwyddor rheoli, ac nid oes angen ceisio dangos bod cam gweithredu'n addas ar gyfer pob maen prawf. Mae canllawiau ar gyfer y rhai a fydd yn cyflawni camau gweithredu arfaethedig mewn llythrennau italig o dan pob egwyddor rheoli.

Os bydd cam gweithredu'n cael sgôr negyddol yn erbyn unrhyw egwyddor rheoli, ni ddylid ei ystyried ymhellach yn y broses flaenoriaethu nes bod y problemau hyn wedi cael eu datrys.

### Blwch 1: Egwyddorion Rheoli Ardaloedd Morol Gwarchodedig

**Egwyddor Rheoli 1: Cynllunio Strategol** – Dylai'r gwaith rheoli gael ei arwain gan brosesau cynllunio strategol ar lefel sector ac ar lefel Cymru gyfan. Mae'n cefnogi defnyddio'r Rhwydwaith Ardaloedd Morol Gwarchodedig mewn ffyrdd sy'n cadw, yn gwella ac yn cyfrannu at ecosystemau morol cadarn a llesiant ac yn sicrhau bod adnoddau naturiol yn cael eu rheoli'n gynaliadwy.

*A yw'r cam gweithredu arfaethedig yn amlwg yn cynnwys Cymru gyfan ac yn cyfrannu at ecosystemau morol cadarn a llesiant ac yn sicrhau bod adnoddau naturiol yn cael eu rheoli yn gynaliadwy?*

**Egwyddor Rheoli 2: Rheoleiddio a datblygu prosesau cydsynio ac asesu** – Mae prosesau rheoleiddio a phenderfyniadau cydsynio'n gyson ac yn gytbwys ar draws y rhwydwaith, ac yn ystyried mewn modd rhagweithiol gynnal neu wella (lle bo hynny'n bosibl/briodol) gyflwr y safleoedd a'r nodweddion perthnasol ar draws y rhwydwaith.

*A yw'r cam gweithredu arfaethedig yn gysylltiedig â rheoleiddio neu ddatblygu prosesau cydsynio neu asesu ar gyfer Ardaloedd Morol Gwarchodedig yng Nghymru?*

**Egwyddor Rheoli 3: Cyngor a chanllawiau ar gyfer rheoli** – Mae penderfyniadau a gweithrediadau rheoli'n cael eu gwneud ar sail cyngor a chanllawiau clir a chyson ar Ardaloedd Morol Gwarchodedig, gan gynnwys eu hamcanion cadwraeth.

*A yw'r cam gweithredu arfaethedig yn ymwneud â chynhyrchu canllawiau i wella'r ffordd mae ein Hardaloedd Morol Gwarchodedig yn cael eu rheoli?*

**Egwyddor Rheoli 4: Deall cyflwr safleoedd a'u nodweddion a'r pwysau a'r bygythiadau sy'n effeithio arnynt, i lywio'r ffordd maent yn cael eu rheoli** – Mae'r dull rheoli yn cael ei lywio gan asesiadau ffurfiol ac adrodd ar gyflwr nodweddion, safleoedd a'r rhwydwaith a'r pwysau cysylltiedig. Mae asesiadau ac adroddiadau'n cael eu llywio gan raglen dystiolaeth â blaenoriaethau (gan gynnwys monitro) sy'n gwella ein dealltwriaeth o'r berthynas rhwng pwysau a bygythiadau a chyflwr.

*A yw'r cam gweithredu arfaethedig yn gwella ein dealltwriaeth o'r pwysau a/neu'r bygythiadau sy'n effeithio ar ein Hardaloedd Morol Gwarchodedig?*

**Egwyddor Rheoli 5: Rheoli ehangach** – Rhoddir blaenoriaeth i'r gweithgareddau rheoli ar draws y rhwydwaith sydd fwyaf tebygol o wella ei gyflwr a diogelwch y ffordd mae'n cael ei reoli. Mae heriau rheoli cyffredin yn cael eu trafod ar y cyd ar draws y rhwydwaith.

*A fydd y cam gweithredu arfaethedig yn gwella'r ffordd mae'r Rhwydwaith Ardaloedd Morol Gwarchodedig yng Nghymru yn cael ei reoli ac felly ei gyflwr?*



#### Maen prawf 4. Pa mor ymarferol yw'r cam gweithredu?

Mae'r maen prawf hwn yn gysylltiedig â gallu'r unigolyn a fydd yn gyfrifol am gymryd y cam gweithredu arfaethedig i wneud hynny. O dan y maen prawf hwn mae'n bwysig ystyried yn union sut bydd y cam gweithredu hwn yn cael ei roi ar waith ac a yw'r dulliau sy'n cael eu cynnig wedi cael eu defnyddio'n llwyddiannus mewn mannau eraill.

**Elfennau i'w hystyried:** Mae'n bwysig ystyried ymarferoldeb technegol eich prosiect gan gynnwys y gallu ymarferol, y gallu logisteg a'r gallu technegol (gan gynnwys sgiliau ac arbenigedd) sydd eu hangen i gyflawni'r cam gweithredu. Ystyriwch pa mor briodol yw'r fethodoleg hon ar gyfer y safle neu'r cyd-destun.

#### Maen prawf 5. Sut bydd rhoi'r camau gweithredu ar waith yn sicrhau gwerth am arian?

Nid yw'r maen prawf hwn yn berthnasol i'r broses ymgeisio hon.





## Atodiad 1

Maen prawf 1a – Pa mor debygol yw hi y bydd y cam gweithredu'n sicrhau gwelliannau i gyflwr nodwedd neu'r ffordd mae'n cael ei reoli: Tabl Sgorio

Esboniad	Sgôr
Nid yw'r cam gweithredu wedi'i dargedu at bwysau neu fygythiad sy'n gysylltiedig â chyflwr nodwedd.	0
<b>Bygythiad*</b> : Bydd y cam gweithredu'n rheoli un neu fwy o'r bygythiadau y credir y gallent gael effaith ar gyflwr nodweddion y Rhwydwaith Ardaloedd Morol Gwarchoddedig.	1
<b>Pwysau</b> : Bydd y cam gweithredu yn rheoli un neu fwy o'r pwysau y gwyddys amdanynt sy'n cael effaith ar nodweddion y Rhwydwaith Ardaloedd Morol Gwarchoddedig. <b>Bygythiad</b> : Bydd y cam gweithredu'n rheoli un neu fwy o'r bygythiadau a allai gael effaith ar gyflwr nodweddion y Rhwydwaith Ardaloedd Morol Gwarchoddedig.	2
<b>Pwysau</b> : Bydd y cam gweithredu'n rheoli un neu fwy o'r pwysau y gwyddys amdanynt sy'n cael effaith sylweddol ar gyflwr nodweddion y Rhwydwaith Ardaloedd Morol Gwarchoddedig, gan ddefnyddio dull sydd wedi'i brofi. <b>Bygythiad</b> : Bydd y cam gweithredu'n rheoli un neu fwy o'r bygythiadau a allai gael effaith sylweddol ar nodweddion y Rhwydwaith Ardaloedd Morol Gwarchoddedig gan ddefnyddio dull sydd wedi'i brofi.	3

\* Nid oes sgôr o 1 am bwysau, gan y dylid gwybod eisoes am y pwysau er mwyn i'r cynllun gweithredu roi blaenoriaeth iddynt.

Maen prawf 1b – pa mor debygol yw hi y bydd y cam gweithredu'n gwella ein dealltwriaeth o'r pwysau/bygythiadau neu'r ffordd maent yn cael eu rheoli: Tabl Sgorio

Esboniad	Sgôr
Ni fydd y cam gweithredu'n gwella ein dealltwriaeth o a. pwysau neu fygythiadau; neu b. y mesurau rheoli sydd eu hangen i fynd i'r afael â nhw.	0
<b>Bygythiad</b> : Bydd y cam gweithredu yn gwella'n rhannol ein dealltwriaeth o a. un o'r bygythiadau a allai gael effaith ar gyflwr nodweddion y Rhwydwaith Ardaloedd Morol Gwarchoddedig; neu b. y mesurau rheoli sydd eu hangen i fynd i'r afael â'r bygythiad hwn.	1
<b>Pwysau</b> : Bydd y cam gweithredu'n cynyddu ein dealltwriaeth o a. un neu ragor o'r pwysau a sut y maent yn effeithio ar gyflwr nodweddion y Rhwydwaith Ardaloedd Morol Gwarchoddedig; neu b. y mesurau rheoli sydd eu hangen i reoli'r pwysau hynny. <b>Bygythiad</b> : Bydd y cam gweithredu'n gwella ein dealltwriaeth o a. un neu fwy o'r bygythiadau a allai gael effaith ar gyflwr nodweddion y Rhwydwaith Ardaloedd Morol Gwarchoddedig; neu b. y mesurau rheoli sydd eu hangen i reoli'r bygythiadau hynny.	2 (sgôr trothwy)

Esboniad	Sgôr
<p><b>Pwysau:</b> Bydd y cam gweithredu'n cynyddu yn sylweddol ein dealltwriaeth o</p> <p>a. un neu ragor o'r pwysau a sut y maent yn effeithio ar gyflwr nodweddion y Rhwydwaith Ardaloedd Morol Gwarchoddedig; neu</p> <p>b. y mesurau rheoli sydd eu hangen i reoli'r pwysau hynny.</p> <p><b>Bygythiad:</b> Bydd y cam gweithredu yn gwella'n sylweddol ein dealltwriaeth o</p> <p>a. un neu ragor o'r bygythiadau a allai gael effaith sylweddol ar gyflwr nodweddion y Rhwydwaith Ardaloedd Morol Gwarchoddedig; neu</p> <p>b. y mesurau rheoli sydd eu hangen i reoli'r bygythiadau hynny.</p>	3

Maen prawf 2 – Beth yw cyrhaeddiad gofodol y cam gweithredu hwn: Tabl Sgorio

Esboniad	Sgôr
Mae'r cam gweithredu ar gyfer un safle yn unig ac ni fydd yn cael effaith ar draws y rhwydwaith*.	0
Mae'r cam gweithredu ar gyfer nifer fach o safleoedd neu gyfran fach o'r rhwydwaith.	1
<p>Mae'r cam gweithredu ar gyfer:</p> <ul style="list-style-type: none"> <li>nifer o safleoedd, neu</li> <li>gyfran fawr o'r Rhwydwaith Ardaloedd Morol Gwarchoddedig, neu</li> <li>gyfran fawr o nodweddion ar draws y rhwydwaith.</li> </ul> <p>Gellir dyfarnu sgôr o ddau hefyd os mai prosiect arddangos# yw'r cam gweithredu lle mae posibilrwydd cryf y bydd yn cael ei gyflwyno ar draws y rhwydwaith yn dilyn cam peilot lleol.</p>	2 (sgôr trothwy)
Mae'r cam gweithredu ar lefel y rhwydwaith cyfan (e.e. nodwedd neu bwysau sy'n gysylltiedig â'r rhwydwaith cyfan).	3

\*Dylid blaenoriaethu'r camau gweithredu hyn drwy gynlluniau gweithredu lleol lle maent yn bodoli, neu drwy Gronfa Ddata Camau Gweithredu Cyfoeth Naturiol Cymru.

#I ennill y sgôr trothwy hwn, mae'n rhaid i brosiect arddangos fynd i'r afael â mater sy'n peri pryder ar draws y rhwydwaith, ond bod yn addas i'w roi ar waith ar un safle i brofi'r dull.

Maen prawf 3 – A yw'r cam gweithredu'n gyson ag Egwyddorion Rheoli'r Rhwydwaith Ardaloedd Morol Gwarchoddedig: Tabl Sgorio

Esboniad	Sgôr
Mae anghysondebau rhwng y cam gweithredu a'r egwyddor rheoli.	-3
Nid yw'r cam gweithredu yn berthnasol i'r egwyddor rheoli.	0
Mae'r cam gweithredu'n cyd-fynd yn rhannol â'r egwyddor rheoli.	1
Mae'r cam gweithredu yn cyd-fynd â'r egwyddor rheoli.	2*
Mae'r cam gweithredu yn cyd-fynd â'r egwyddor rheoli a bydd hefyd yn dod â newid positif i ffyrdd o weithio.	3

\*Sgôr trothwy – mae angen sgôr o ddau yn erbyn o leiaf un egwyddor rheoli

Maen Prawf 4 – Pa mor ymarferol yw'r gweithredu: Tabl Sgorio

Esboniad	Sgôr
Ni fyddai'r cam gweithredu'n dechnegol ymarferol, hyd yn oed pe bai'r adnoddau ar gael.	0
Nid yw ymarferoldeb y cam gweithredu wedi ei brofi ar hyn o bryd/mae problemau ynghylch pa mor briodol yw'r fethodoleg.	1
Nid oes problemau mawr o ran ymarferoldeb technegol/pa mor briodol yw'r fethodoleg.	2
Mae ymarferoldeb technegol wedi'i brofi.	3

## Atodiad 2

**Yr Adroddiad Blynyddol ar Reoli'r Rhwydwaith Ardaloedd Morol Gwarchoddedig: 2020–2021**